

SYMBOLUM vocatur fidei hæc & spei Christianæ confessio, dñabus de causis.

1. *Quia instar signi militaris est. (Id enim vox denotat.)*

Ut enim thesserâ hac ejusdem Imperatoris milites sese mutuò agnoscunt & ab hostibus ea discriminantur: Sic commilitones agnoscimus, quotquot fidem hanc non simulatè profitentur; dissentientes verò hostes. *ut Cyprianus & alii.*

Milites symbolo suo testantur cui militant, & cujus sunt hostes: ad eundem modum militantes sub vexillo Iesu Christi, hac fidei confessione testantur se servire Deo Patri, Filio, & S. S. hostes verò esse Sathanæ mundi & carnis operibus.

2. *Quia instar collationis sive symbolæ est, quod conferunt ad convivium.*

Ut enim compotores subducta ratione, omnes conferunt ad convivium: Sic (*S. Cypriani & Augustini sententia*) Apostoli in diversas terras profecturi, hanc fidei formam in commune contulerunt & composuerunt; ut nemo illorum à σύμβολος esset.

*Hinc D. Irenæus Symbolum vocat traditionem Apostolorum.*